

მხარეები

ერთის მხრივ, შპს „საქართველოს საერთაშორისო ენერგეტიკული კორპორაცია“ წარმოდგენილი მისი გენერალური დირექტორის **ზურაბ გოზალიშვილის** მინდობილი პირის თამარ კუპრაძის სახით (მინდობილობა №06/1), შემდგომში წოდებული როგორც „მიმწოდებელი“ და მეორეს მხრივ, **თვითმმართველი ქალაქ თელავის მუნიციპალიტეტის ააიპ კულტურის ცენტრი**, წარმოდგენილი მისი დირექტორის **ზაქარია რაზმაძის** სახით, შემდგომში წოდებული როგორც „შემსყიდველი“ მიმწოდებელი და შემსყიდველი ცალ-ცალკე მოხსენებულნი არიან, როგორც „მხარე“ და ერთად როგორც „მხარეები“

საქართველოს მოქმედი კანონმდებლობით მონიჭებული უფლებამოსილების ფარგლებში ედებო წინამდებარე ხელშეკრულებას (შემდგომში „**ხელშეკრულება**“) და ვთანხმდებით შემდეგზე:

1. ხელშეკრულების საგანი

1.1 წინამდებარე ხელშეკრულების საფუძველზე მიმწოდებელი იღებს ვალდებულებას მიაწოდოს შემსყიდველს ბუნებრივი აირი (შემდგომში „**ბუნებრივი გაზი**“) ამ ხელშეკრულებით გათვალისწინებული წესისა და პირობების შესაბამისად;

1.2 შემსყიდველი იღებს ვალდებულებას გადაიხადოს მისაწოდებელი ბუნებრივი გაზის საფასური ხელშეკრულებით განსაზღვრული წესითა და პირობებით.

2. ხელშეკრულების ფასი

2.1 წინამდებარე ხელშეკრულებით განსაზღვრული მისაწოდებელი ბუნებრივი გაზის ფასი ყოველი (ერთი) კუბური მეტრი ბუნებრივი გაზისათვის შეადგენს 1.15 ლარს დრგ-სა და აქციზის ჩათვლით;

2.2 წინამდებარე ხელშეკრულების საორიენტაციო ღირებულება შეადგენს 2150-50 (ორიათასასორმოდდაათი ლარი და 50 თეთრი) ლარს.

2.3 წინამდებარე ხელშეკრულების 2.1 პუნქტით გათვალისწინებული ბუნებრივი გაზის ფასი მოიცავს მიმწოდებლის მიერ გაღებულ ყველა ხარჯს, რაც დაკავსირებულია მიმწოდებლის მიერ ამ ხელშეკრულების 1.1 პუნქტით გათვალისწინებული მიწოდების განხორციელებასთან;

2.4 წინამდებარე ხელშეკრულების მოქმედების პერიოდში მიმწოდებლის მხრიდან შესაძლებელია შეიცვალოს ხელშეკრულების 2.1 პუნქტით განსაზღვრული ფასი 5 კალენდარული დღით ადრე შემსყიდველის წერილობითი ან/და სატელეფონო, ელექტრონული ფოსტიოს მეშვეობით სეტყობინების საფუძველზე, თუმცა აღნიშნული ცვლილება არ აისახება უკვე განხორციელებულ მიწოდებაზე;

3. მიწოდების პირობები და ანგარიშსწორების წესი

3.1 მიმწოდებელი ბუნებრივი გაზის მიწოდებას უზრუნველყოფს საკუთარი ავტოგაზგასამართი საკომპრესორო სადგურიდან (შემდგომში „**აგგს**“), სპეციალური ტალონების (შემდგომში „**ტალონები**“) საშუალებით, რომელზეც აღნიშნულია: ტალონის შტრიხკოდი, ტალონის ნომერი, მიმწოდებლის დასახელება, ბუნებრივი გაზის მოცულობა, მიმწოდებლის ბეჭედი, შემსყიდველის ბეჭედი.

3.2 მხარეთა შორის ანგარიშსწორება წარმოებს უნაღდო ანგარიშსწორების ფორმით; უნაღდო ანგარიშსწორების განხორციელების შემთხვევაში შემსყიდველი წარადგენს თანხის გადახდის დასტურებელ დოკუმენტს (საგადახდო დავალებას).

4. მხარეთა უფლება-მოვალეობები

4.1 მიმწოდებელის უფლება-ვალდებულებები:

4.1.1 მიმწოდებელი ვალდებულია შემსყიდველის მიერ შესასყიდი ბუნებრივი გაზის მოცულობის შესაბამისი თანხის გადახდის დამადასტურებელი დოკუმენტის წარდგენისას შემსყიდველზე გასცეს ტალონები, მიღება-ჩაბარების აქტის საფუძველზე;

4.1.2 ტალონების გაცემის შემდგომ ყოველი თვის ბოლოს არაუგვიანეს მომდევნო თვის 10 რიცხვისა უზრუნველყოს შესაბამისი ანგარიშ-ფაქტურის დაწერა შემსყიდველის მიერ გამოყენებული/მოხმარებული ტალონების რაოდენობაზე;

4.1.3 მიმწოდებელი ვალდებულია უზრუნველყოს შემსყიდველისათვის ბუნებრივი გაზის მიწოდება საკუთარი აგგის-ებიდან, რაც უნდა განხორციელდეს ტალონების საფუძველზე;

4.1.4 შემსყიდველის მიერ ტალონის (ტალონების) დაკარგვის ან სხვაგვარი გზით მისი მფლობელობიდან გასვლის შემთხვევაში, დამდგარ შედეგზე სრულად პასუხს აგებს შემსყიდველი.

4.2. შემსყიდველის უფლება-მოვალეობები

4.2.1 შემსყიდველი ვალდებულია წინასწარ მიაწოდოს მიმწოდებელს ინფორმაცია შესასყიდი ბუნებრივი გაზის მოცულობის თაობაზე და ანგარიშსწორება განახორციელოს წინასწარ;

4.2.2. შემსყიდველი ვალდებულია წარუდგინოს მიმწოდებელს თანხის გადახდის დამადასტურებელი დოკუმენტი და მხოლოდ აღნიშნულის შემდეგ მიიღოს ტალონები;

4.2.3 შემსყიდველი უფლებამოსილია გადასცეს წინამდებარე ხელშეკრულებიდან გამომდინარე თავისი უფლება-მოვალეობები მესამე პირს მხოლოდ მიმწოდებლის წინასწარი წერილობითი თანხმობის შემთხვევაში;

4.2.4 შემსყიდველი უფლებამოსილია მოსთხოვოს მიმწოდებელს ტალონები თანხის გადახდის დამადასტურებელი დოკუმენტის წარდგენიდან 3 (სამი) სამუშაო დღის ვადაში;

5. ფორს-მაჟორი

5.1 მხარეები თავისუფლდებიან ყოველგვარი პასუხისმგებლობისაგან, თუ მათი ვალდებულებების შეუსრულებლობა გამოწვეული იქნა მათთვის დაუძლეველი ძალის (ფორს-მაჟორის) მოქმედების პირობებში. ასეთ გარემოებებზე მიიჩნევა: ომი, საბრძოლო მოქმედებები, სტიქიური უბედურება, დივერსია, ხანძარი, წყალდიდობა ან ნებისმიერი სხვა მსგავსი სახის ბუნებრივი მოვლენა, ან ნებისმიერი ისეთი გარემოება, რაც არ ექვემდებარება მხარეთა კონტროლს;

5.2 დაუძლეველი ძალის მოქმედების დაწყების შემდეგ მხარე აგზავნის შესაბამის შეტყობინებას, სადაც მიუთითებს ასეთი გარემოებების წარმოშობასა და მოქმედების სავარაუდო ვადას.

6. ხელშეკრულების მოქმედება და შეწყვეტის პირობები

6.1. ხელშეკრულება ძალაშია მხარეთა მიერ მისი ხელმოწერისთანავე და მოქმედებს 2015 წლის 31 დეკემბრის ჩათვლით;

6.2. მხარეს უფლება აქვს ცალმხრივად შეწყვიტოს წინამდებარე ხელშეკრულების მოქმედება მეორე მხარისათვის 5 (ხუთი) სამუშაო დღით ადრე გაგზავნილი წერილობითი შეტყობინების საფუძველზე თუკი მეორე მხარე მიუხედავად წერილობითი გაფრთხილებისა არ ასრულებს მასზე ამ ხელშეკრულებით დაკისრებულ ვალდებულებებს;

6.3. შემსყიდველს უფლება აქვს ცალმხრივად შეწყვიტოს ხელშეკრულება 2.3 პუნქტით გათვალისწინებულ შემთხვევაში, რის თაობაზეც ვალდებულია წერილობით აცნობოს მიმწოდებელს.

6.4 მიმწოდებელს უფლება აქვს შემსყიდველისათვის ორი სამუშაო დღით ადრე გაგზავნილი წერილობითი შეტყობინების საფუძველზე შეწყვიტოს წინამდებარე ხელშეკრულება;

7. დავათა გადაწყვეტა

7.1. მხარეები იღებენ ყველა ზომას, რათა ამ ხელშეკრულებიდან გამომდინარე ყველა დავა ან/და წინააღმდეგობა გადაწყდეს მოლაპარაკების გზით;

7.2. საკითხის მოლაპარაკების საფუძველზე გადაწყვეტის შეუძლებლობის შემთხვევაში, ამ ხელშეკრულებასთან დაკავშირებით წარმოქმნილი ნებისმიერ დავა, მათ შორის თვით ამ ხელშეკრულების არსებობის, ნამდვილობის, შეწყვეტის ან ბათილობის საკითხი განიხილება და გადაწყდება საქართველოს სასამართლოს მიერ.

8. დასკვნითი დებულებები

8.1 წინამდებარე ხელშეკრულება და მისგან გამომდინარე მხარეთა უფლება-მოვალეობები რეგულირდება საქართველოს მოქმედი კანონმდებლობის შესაბამისად;

8.2 ნებისმიერ ცვლილებას ან დამატებას ძალა აქვს მხოლოდ იმ შემთხვევაში თუ ისინი შედგენილია წერილობით და ხელმოწერილია ორივე მხარის მიერ;

8.3. ამ ხელშეკრულებით გათვალისწინებული რომელიმე პუნქტის შეცვლა, უარყოფა, გაუქმება ან შეწყვეტა გავლენას არ იქონიებს მხარეების მიერ ამ ხელშეკრულებით ნაკისრი სხვა ვალდებულებების შესრულებაზე.

9. მხარეთა რეკვიზიტები და ხელმოწერები

მიმწოდებელი

შპს “საქართველოს საერთაშორისო
ენერგეტიკული კორპორაცია“

მის: მანგლისი, სტალინის ქ.66

საიდ/კოდი 230866783

ა/ა GE85TB1100000360800448

სს “თიბისი ბანკი“

ბანკის კოდი TBCBGE22

შემსყიდველი

თვითმმართველი ქალაქ თელავის
მუნიცი. ააიპ კულტურის ცენტრი

მის: თელავი. დავით რექტორის 8

საიდ/კოდი 431172063

ა/ა 200-22900 თელავი 05020106

სს „სახელმწიფო სსიპ ბანკი“

ბანკის კოდი TRESGE22

შპს “საქართველოს საერთაშორისო
ენერგეტიკული კორპორაცია“-ს
გენერალური დირექტორის

ზურაბ გოზალიშვილის

მინდობილი პირი

თამარ კუპრაძე

/ხელმოწერა/

თვითმმართველი ქალაქ თელავის
მუნიცი. ააიპ კულტურის ცენტრი
დირექტორი

ზაქარია რაზმაძე

/ხელმოწერა/

